

*Аким Андреевич Кондратьев*

### *Туоһахта*

Ылбыт ынахтара төрөөбүтэ хас да хонно. Хотонноро тымныы буолан, санга ньирэйдэрин аан дьибэҕэ киллэрдилэр.

Маннайгы кылааска үөрэнэр Вася сүүһүгэр туоһахталаах ньирэйи кимнээбэр да таптыыр. Кэлэ-бара имэрийэр-томоруйар, сүүһүн тарбыыр. Анараанньыта да Васяҕа сүрдээҕин убанна: уол оскуолаттан кэллэҕинэ, мэнирээбитинэн тура эскириир.

Вася, дьоно суоҕуна, ньирэйин кытта харсыһа оонньоур. Ону көрөн эбэтэ:

- Тукаам, ньирэйгин харсыһарга үөрэтимэ, кэйиик буолуо, - диэн буойан көрөр да, Вася истибэт.

Дьыл-күн бардар баран иһэр. Ньирэй торолуйан долборугар көһөр. Күнүс таһырдыа тахсан чэччийэр. Оччоҕо Вася күннүүр: сааскы ылааныга оттоох күрүөҕэ таалалыыр, ньирэйинин астына мэниктиир...

Үөрэх дьыла бүтэр. Вася биир да "үһэ" суох кылааһын тахсан, үөрэн ахан дьибэтигэр кэллэ.

- Эбээ, кылааспын таҕыстым. "Байыаннай кистэлэн" диэн кинигэни бириэмийэ ыллым, - диэт, таһырдыа ыстанна. Тахсыбыта Туоһахтата эргэ дьааһыкка сүүһүн аалына турар эбит. Васяны көрөөт, "Хайа, харсабыт дуо?" – диэбиттии, ньалаччы туттар, муннун "буус" гыннара-гыннара, төбөтүн кэбиннэтэр. Вася:

- Туоһахта, тохтоо. Билигин клиэм, - дии-дии кылааһын тахсыбыт үөрүүтүн кэпси иалларыгар сүүрэр.

Сотору Вася дьэ сололонон Туоһахтатын килиэбинэн күндүлүүр, сутуругунан сүүһүн кэйиэлээн кыынньыыр.